

Rektor UNISSA hadiri Kolokium ASWJ di Terengganu



REKTOR UNISSA, Dr. Awang Haji Norrfan bin Haji Zainal dalam sesi soal jawab Kolokium Ahli Sunnah Wal Jamaah (ASWJ) di Peringkat Negeri Terengganu, Malaysia.

TERENGGANU, Selasa, 24 Oktober. - Rektor Universiti Islam Sultan Sharif Ali (UNISSA),

Dr. Awang Haji Norrfan bin Haji Zainal telah menghadiri dan seterusnya menjadi nara sumber

bagi Kolokium Ahli Sunnah Wal Jamaah (ASWJ) Peringkat Negeri Terengganu, Malaysia

Siaran Akhbar dan Foto : Universiti Islam Sultan Sharif Ali

Ahad lepas, 22 Oktober 2017.

Kolokium sehari itu merupakan salah satu wadah untuk memperkuatkan pegangan Ahli Sunnah Wal Jamaah di Negeri Terengganu, Malaysia dan telah dirasmikan oleh Kebawah Duli Yang Maha Mulia Al-Wathiq Billah Sultan Mizan Zainal Abidin, Sultan dan Yang Di-Pertuan Negeri Terengganu.

Ia dianjurkan oleh Kerajaan Negeri Terengganu melalui Jabatan Hal Ehwal Agama Terengganu, dengan kerjasama Pertubuhan Kearifan Islam Malaysia.

Dr. Awang Haji Norrfan menegaskan, Negara Brunei Darussalam merupakan sebuah negara Islam yang berpegang teguh dengan aqidah Ahli Sunnah Wal Jamaah, Mazhab Syafii. Kerajaan sentiasa mengambil perhatian serius terhadap aliran-aliran dan gerakan-gerakan yang cuba mempengaruhi dan menjelaskan keharmonian beragama, bermasyarakat dan bernegara. Dalam usaha memelihara dan memperkuatkan pegangan Ahli Sunnah Wal Jamaah:

Wal Jamaah, Kerajaan Negara Brunei Darussalam katanya memperkasa pengajian Islam, dakwah dan aspek perundungan dan penguatkuasaan.

Selain pakar dalam negara, pakar-pakar dari luar turut diundang untuk membicarakan dan mengupas isu-isu serta permasalahan semasa. Antaranya Pengerusi Majlis Fatwa Kebangsaan Malaysia yang juga bekas Mufti Wilayah Persekutuan, Datuk Dr. Wan Zahidi Wan Teh yang membicarakan tajuk Ahli Sunnah Wal Jamaah di Malaysia: Sumbangan dan Cabaran Masa; Prof. Datuk Zakaria Stapa, penyandang kerusi Sheikh Abdullah Fahim Universiti Kebangsaan Malaysia, Profesor Dr. Sudirman M. Johan dari Universiti Sultan Syarif Kasim II, Pekan Baru, Indonesia yang membincangkan mengenai Fahaman Ahli Sunnah Wal Jamaah: Sumbangan Kearifannya di Asia Tenggara selain Rektor UNISSA Brunei, yang membicarakan tentang peranan negaranya dalam mempertahankan akidah Ahli Sunnah Wal Jamaah.

Fahami hubungan Islam dengan masyarakat Melayu

BANDAR SERI BEGAWAN, Selasa, 24 Oktober. - Universiti Islam Sultan Sharif Ali (UNISSA) melalui Fakulti Pengurusan Pembangunan Islam (FPPI) dan Pusat Pengajian Lepas Ijazah (PPLI) telah menyelaraskan aktiviti kerjasama dengan Program Pascasarjana, Universitas Islam Negeri (UIN) Raden Fatah Palembang, Indonesia dalam menganjurkan kolokium dan seminar yang bertemakan 'Peranan Perguruan Tinggi Islam Dalam Dinamika Membangun Peradaban Islam Melayu'.

Kolokium dan seminar yang diadakan ini adalah sebagai satu usaha ke arah pelaksanaan Memorandum Persefahaman (MoU) yang telah dimeterai oleh UNISSA dan UIN Raden Fatah Palembang pada 22 Oktober 2016.

Pemilihan tema pada kolokium dan seminar ini adalah bertujuan untuk memahami lebih mendalam

tentang hubungan Islam dengan masyarakat Melayu. Budaya dan tradisi Melayu yang berkembang tidak lepas dari budaya Islam, sehingga sering kali Islam diidentitikan dengan Melayu.

Pengembangan peradaban Islam Melayu dalam sejarahnya, tersebar hingga memasuki keseluruhan kepulauan Nusantara. Dalam konteks budaya dan peradaban Melayu, penyebaran budaya dan peradaban Islam Melayu dilakukan oleh para ulama dan intelektual. Para ulama dan intelektual itu memiliki jaringan yang kuat dalam menyebarkan budaya dan peradaban Islam yang disesuaikan dengan budaya setempat, sehingga Islam Melayu memiliki karakteristik sendiri, seperti 'Islam damai', 'Islam santun', 'Islam harmonis' dan sebagainya.

Isu ini telah dibincangkan oleh pembentang-pembentang ucaptama yang terdiri dari



PEMANGKU Rektor Universiti Islam Sultan Sharif Ali (UNISSA), Dr. Haji Mohammed Hussain bin Pehin Penyurat Haji Ahmad (kanan) hadir selaku tetamu kehormat majlis bertukar cenderahati bersama Timbalan Rektor Universitas Islam Negeri (UIN) Raden Fatah Palembang, Indonesia, Dr. Ismail Skukardi, M.Ag.

Pensyarah Kanan UNISSA, Profesor Dr. Mahayuddin bin Haji Yahia dan dua pembentang

daripada UIN Raden Fatah Palembang iaitu Profesor Dr. Duski Ibrahim, M.Ag dan Profesor Dr. H. Abdullah Idi, M.Ed.

Hadir selaku tetamu kehormat pada majlis berkenaan ialah Pemangku Rektor UNISSA, Dr. Haji Mohammed Hussain bin Pehin Penyurat Haji Ahmad, sementara rombongan UIN Raden Fatah Palembang telah diketuai oleh Timbalan Rektornya,

Dr. Ismail Skukardi, M.Ag.

Majlis tersebut dimulakan dengan ucapan alu-aluan disampaikan oleh Dekan FPPI, Dr. Shahrul Nizam Salahudin, selaku Pengerusi Bersama.

Antara objektif kolokium dan seminar diadakan, adalah untuk memberikan pemahaman konsep peradaban Islam Melayu serta menggalikembali khazanah keilmuan dan kontribusi pemikiran dan peranan serta perguruan tinggi Islam dalam membangun peradaban Islam Melayu di Nusantara, serta menjadi wadah aspirasi bagi kedua institusi pendidikan tinggi untuk menjalin dan membangun jaringan kerjasama.

Seramai 56 pembentang dan 14 penilai daripada pihak UNISSA dan UIN Raden Fatah Palembang menghadiri kolokium dan seminar tersebut.



PESERTA dari UIN Raden Fatah Palembang, Indonesia yang menghadiri kolokium dan seminar yang bertemakan 'Peranan Perguruan Tinggi Islam Dalam Dinamika Membangun Peradaban Islam Melayu'.